

آبونه شرائطی

ممالك عثمانیه ده سنه لکی (۶۵) ، التي
آیلغی (۳۵) غروشدیر .
ممالك اجنبیه ده سنه لکی (۱۷) ، التي
آیلغی (۹) قرانقدر .

اداره خانه

باب عالی جهاده سنده دائره مخصوصه

اخطارات

آبونه بدلی پشندر .

§

مملکه موافق آثار معالمینونیه فیبول
اولدر . درج ایدلمین یازیلر اءاده
اولونماز .

الکلیت

اخطارات

رساله مزدن آندیغی کوسترلک شرطیه
بتون یازیلری هر هانکی برغزته طرفندن
اقتباس اولونه بیلیر .

§

مکتوبلرک، امضالرک واضح و اوقورناقلی
اولسی و آبونه صره نومروسى محتوی
بولونمسی لازمدر .

§

ممالك اجنبیه ایچسون آبونه اولانلرک
آدرس لرینک قرالمرجه ده یازلمسی رجا
اولنور .

§

پاره کوندرلدیکی زمان نهیه دائر اولدیغنک
واضحاً بیلدیلمسی رجا اولنور .

سیر جلیله نبویه

سبیل الرشاد هرېره اسمو مېښنه

محترم افندم!

سبیل الرشاد هیئت تحریریه سندن محترم از مېرل اسماعیل حق افندینک تألیف بیوردقلری و اوته دن بری ذهن عوامه صاپلانو ب کلمکه اولان خرافاتی سلیمکه سیمی ایدن وفورمه فورمه نشر ایدلکده بولنان (سیر جلیله نبویه) نام اثرلرینک یوز طقوزنجی صحیفه سنده (سیر انبیایه متعلق اولانلر) قسمتک یرکری سکرنجی ماده سنده حضرت داود (ع م) استاد ایدیلرک سوبله نیلن مبحث عنها ماده ده کی قصه بی تکذیب حیده ، جناب حکت قرآن عظیم الشانده وسوره (ص) ک ایکنجی صحیفه سنده بسم اه (.. ان هذا الخی له تسع وتسعون نعمة ولی نعمة واحدة .. الخ) آیت کریمه سیله بزره مشابیه حکایه ایتدیکی قصه بوقصه اولمایه جقمیدر ؟ آیت کریمه نك ناطق اولدینی قصه بو اولدینی صورتده محرر محترمک قطعه مذکوریه کذب و افترایه نسبتی نامحجل اولمازمی ؛ و توفیق بین قابلمیدر ؟

اهمیر فعمیم

جواب :

سوره ص ده ذکر اولنان ایت کریمه بشقه ، تکذیب اولنان قصه ینه بشقه در .

آیت جلیله شودر : وهل اناک نبأ الحصم اذ تسوروا المحراب اذ دخلوا علی داود ففزع منهم قالوا لا تخف خصمان بنی بعضنا علی بعض فاحکم بیننا بالحق ولا تشطط واهدنا الی سواء الصراط . ان هذا الخی له تسع وتسعون نعمة ولی نعمة واحدة فقال کفلینها وعزنی فی الخطاب . قال لقد ظلمک بسؤال نعجتک الی نعاجه وان کثیراً من الخللطاء لیبنی بعضهم علی بعض الا الذین آمنوا وعملوا الصالحات وقلیل ما هم . وظن داود انما قتناه فاستغفر ربه وخر را کما واناب . فغفر ناله ذلک . - الایة . صدق الله العظیم .

آیت جلیله نك مال منبئی بودر : « ایکی خصم محرابه (مسجد ویا چارداق) طرمانوب چیقور . داودک (علیه الصلاة والسلام) حضورینه داخل اولور . داود (علیه السلام) انلردن قورقبور . (چونکه قبو قبالی ایکن فجأة ، یاخود کیجه کلشلا ایدی .) خصملر : قورقه ! بز ایکی خصم بولنیورز ، بریمز دیکرینه تجاوز ایتشدر ، بزم حقمزده عدل ایله حکم ایت ، حقسزلق ایتمه ، بزه طوغری یولی کوستر ! دیورلر . (صوکر ا دعوائی تصویر ایدیلرلر :) بو : بزم قرداشمدر ، انک طقسان طقوز دیشی قویونی ، بزم بر تک دیشی قویونم واردر . بکا اوبر قویونی ده ویر دیدی ، بکا خطابه غلبه ایتدی . (اوبر خصم بوندن قوتلی ایدی ده کلامده بوکا غلبه ایتدی ، بالطبع بو خصم اوبر خصمه مخالفت ایدمه دی .)

داود (علیه الصلاة والسلام) : او خصم بر تک قویونک کندی قویونلرینه علاوه سنی ایستمکه سکا ظلم ایتشدر . شرکادن بر چوق

کیمسلر یکدیگرینه تجاوز ایدرلر . مکرکه ایمان وعمل صالح صاحبی اوله لر . فقط انلرده بک آزددر . دیدی .

داود (علیه السلام) بونی بزم امتحانز ظن ایتدی . حق تعالی به استغفار ایلدی . سجدهیه قیلاندی . توبه ایله الله رجوع ایلدی . بزده انی مغفرت ایتدک . »

سیر جلیله نبویه ده تکذیب ایتدی کمز قصه شویله ایدی : حضرت داود علیه السلام اوریانک قاریسنه عاشق اولمش ، اوریایی قتل اولونجهیه قدر مقاتلینه امیر نصب ایتمش ، صوکره زوجهنی تزوج ایتمش ، بونک اوزرینه ایکی خصم صورتنده ملائکه نازل اولمش ، حضرت داود علیه السلام دوچار عتاب اولمش .

کوریلورکه قصه مکذوبه تمامیه بشقه در .

اوریا قصه سنک مکذوب اولدینی بن سوبله ورم . بلکه موضوعات کتابلرندن نقل ایدیورم .

بوکره آیت جلیله نك قصه مکذوبه دن بشقه اولدینی علم کلام ، علم تفسیر بالدرایه ، علم تفسیر بالروایه ایله اثبات ایدلم :

علم کلام ایله اثبات :

۱ - بزم دیارمزده متعارف و متداول اولان شرح عقائده سعدالدین تفتازانی انبیاء کرامک عمداً کبائر ارتکاب ایتیه جکاری بیان ایتدکدن صوکره [۱] « ما نقل عن الانبیاء مما یشعر بکذب او معصية فما کان منقولاً بطریق الاحاد فر دود و ما کان بطریق التواتر فصروف عن ظاهره ان امکن والا فحمل علی ترک الاولی او کونه قبل البعثة . » عبارهنی ذکر ایدیور . بو بیانه کوره انبیاء کرامدن کذب ویا معصیتی اشعار ایدن برشی منقول اولور ایسه بطریق الاحاد منقول اولانلر مردود ، بطریق التواتر منقول اولانلر ممکن ایسه مأول اولور (ظاهرندن عدول اولنور) . یوخسه ترک اولایه ویاخود قبل البعثة اولمش اولدیننه حمل اولنور .

شرح عقائد حاشیه سنده رمضان افندی بطریق الاحاد منقول اولانه قصه اوریایی مثال کتیرور : داود علیه السلام اوریانک قاریسنه طمع ایتدیکی ، اولسی ایچون حربه ایصال ایلدیکی حشویه نك افتراسیدر . حضرت علی کرم الله وجهه قصه اوریایی سوبایان کیمسهیه قذف واجب اولور دیمشدر ، بوبابده ثابت اولان حضرت داودک اوریانک طالب اولدینی قادینه طالب اولمش ، یاخود اوریانک تطلقنی طلب ایتمش اولمیدرکه بوجهت او وقتلر بر عادت ایدی . ایشه داودک « علیه السلام » زلهسی بودر . زلهسنه تنبیه ایچون ملک ارسال اولندی دیور .

شرح عقائد اوقنور ایکن طبعی بو بحثلر مناقشه اولونمشدر .

۲ - بزم دیارمزده علم کلامک اک بیوک مأخذلرندن اولان

[۱] یالکز طائفه حشویه انبیانک عمداً کبائر ارتکاب ایدمکن تجویز ایدرلر اهل کتابدن منقول اولان حکایاتی ، اقصایی قبول ایلرلر .